

Ամենապատիւ Տեղակալ Տ. Գէորգ Արքեպիսկոպոսի տնօրէնութեամբ Մայր Տաճարում, խառն ժամաւորների ներկայութեամբ, ս. պատարագից յետոյ հանդիսաւոր հոգեհանգիստ կատարուեց նախարարների խորհրդի նախագահ և ներքին գործերի նախարար Պ. Ա. Ստոլիպինի համար:

Կ Ո Չ

Հայ մանուկ անդաստանի անխոնջ մշակը—հայ ուսուցիչը և հայ մտքի զարգացման առաջապահ զինուորը—հայ գրողը՝ անապահով վիճակի են դառնալարտուած:

Հայ հասարակութեան նուիրուած, այդ կարգի անձնազոհ մշակների շարքաշ աշխատանքը ոչ միայն չէ դնահատուած և արժանի կերպով վարձատրուած, այլ դառն անապրերութեան և խուլ մոռացութեան մատնուած:

Հայ ուսուցչութեան և գրողների կեանքի անապահովութիւնը տուել է մեզ նահատակների և անձնուրաց մարտիրոսների մի երկար շարան, որոնք մոռացած իրանց անձնական քարերը, հանգստութիւնն ու ապահով ապագան, նուիրուել են հասարակական կարիքներին, առանց մտածելու անգամ, որ կեանքի արեւմուտքին իրանց սպասում է ուժասպառութիւն, հիւանդութիւն և վաղաժամ մահ, որոնց դէմ կռուելու համար անկարող են եղել սեւ կռակի անգամ տնտեսել, իրենց քայքայուած ուժերը վերականգնելու, մաշող ցաւերից ապաքինելու:

Վերոյիշեալները ի նկատի ունենալով՝ Առիկասի Հայոց Բարեգործական Ընկերութեան Պետաիդորսի ճիւղի վարչութիւնը, անցեալ տարուայ իւր նիստերից մէկում՝ որոշեց այդ կարեւոր քայքայուած ընկերութիւնը նախաձեռնութիւն յանձն առնելով՝ Առիկասեան հանքաջրային կենտրոնում—Պետաիդորսի քաղաքում հիմնել մի բուժարան հանրակացարան (sanatoria) Մաշուկ լեռան ստորոտում, ուր թուլակաղմ, ուժասպառ հայ ուսուցչութիւնը և ընդհանրապէս հայ մտքի ու գրչի աշխատաւորները միջոց ունենան արժան և ձրի վերականգնել իրենց կորցրած առողջութիւնը, ամարային արձակուրդներին ունենալով թարմ օդ, սննդարար կերակուր, առողջապահական պայմաններին յարմարեցրած բնակարան և ձրի բժշկական միջոցներ:

Վարչութիւնս անկարող է սահայն, իր միջոցների սղութեան պատճառով, մի այդպիսի մեծագումար ձեռնարկութիւնը իւր մասնաւոր ոյժերով օր առաջ իրագործել, ուստի իւր ներկայ գրութեամբ ԿՈԶ է անում հայ ժողովրդի ամեն խաւերին, օգնութեան դալ իրան, իւր սկսած, բայց ոյժերից զեր, արդէն հասունացած, անհրաժեշտ ու լեհ գործի իրագործման:

Յիրաւի հայ հասարակութեան քանիմաց, ինտելիգենտ և ապահով մասին է մնում, ուշադիր վերաբերմունք ցոյց տալ դէպի այդ չարատանջ մշակները, բուն պատրաստակամութեամբ արձագանք տալ նրա ստիպողական կարիքներին և միջոցներ մատակարարել նախ՝ վաղաժամ մահուան ճիւղաններից խլելու մեր թանգ զոհերը և երկրորդ՝ քաջալերելու մեր մտքի յառաջամարտիկներին այն գիտակցութեամբ, թէ հայ ժողովրդի մէջ իրանք ևս ունեն անկեղծ բարեկամներ, որոնք գիտեն ըստ արժանւոյն գնահատել դադափարական գործի անխոնջ մշակներին:

Եւ այդպէս մենք գործի ուղիքն ենք դնում: Մենք գծագրում ենք ուղին. թող այժմ գիտակից հայ հասարակութիւնը օգնութեան դայ մեզ և չխնայէ իւր լիառատ օգնութիւնը համարկելի գործին: Բաւական է որքան պարծեցանք խնկելի շիրմներ տալով, պարծենանք այժմ կենդանի գործի յաւերժ արձաններ կանգնեցնելով:

Կովկասի Հայոց բարեգործական
ԲՆԿԵՐՈՒՄԻՆ Գեղարքունի վարչութիւն

Ստացուած գրքեր

Ա. Յայտնութիւն Յովհաննու, հին հայ թարգմանութեամբ, զառաջին անգամ ի լոյս ըստ երկուց ձեռագիր օրինակաց համեմատութեամբ յունական բնագրին և թարգմանութեան ներսիս Վամբրոնացւոյ հանդերձ ներածութեամբ և ծանօթութեամբ Ֆրէտէրիք Մուրատ տիւրը 2.—ժր. ներածութիւն. Եւթն լուսատիպ տախտակօք հանդերձ:

Երբուսադէմ, ի տպարանի Առաքելական Աթոռոյ Ա. Յարկովբեանց 1911 թ.

Բ. ԳԻՒՂԱՏՆՏԵՍԱԿԱՆ ՏԵՂԵԿԱՏՈՒ. մասն առաջին. երկրագործութիւն, Խոտաբուծութիւն, Պարտիզպանութիւն, Անասնապահութիւն, (Կաթնատնտեսութիւն) և Մեղուաբուծութիւն: